

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA**

Broj: 02-01-21565-1/13.
Zenica, 21.10.2013. godine

Z A P I S N I K
sa 129. sjednice Vlade Zeničko-dobojskog kantona održane 17.10.2013. godine

Sjednica je održana u sali 109, prvi sprat u zgradi Kantona, dana 17.10.2013. godine u trajanju od 13¹² do 16⁴⁵ sati.

Sjednicom je predsjedavao Munib Husejnagić, premijer Zeničko-dobojskog kantona.

Sjednici su prisustvovali članovi Vlade:

1. Bojan Bošnjak, ministar Ministarstva za poljoprivredu, šumarstvo i vodoprivredu,
2. Romana Brkić, ministrica Ministarstva za pravosuđe i upravu,
3. Sabina Heljić, ministrica Ministarstva finansija,
4. Rifat Delić, ministar Ministarstva unutrašnjih poslova,
5. Ivica Ćurić, ministar Ministarstva za rad, socijalnu politiku i izbjeglice,
6. Mirko Trifunović, ministar Ministarstva za obrazovanje, nauku, kulturu i sport,
7. Senka Balorda, ministrica Ministarstva zdravstva,
8. Edin Terzić, ministar Ministarstva za prostorno uređenje, promet i komunikacije i zaštitu okoline.
9. Nedžad Lokmić, ministar Ministarstva za boračka pitanja,
10. Amir Abazović, pomoćnik ministra u Ministarstvu za privredu.

Sjednici su prisustvovali i:

1. Berjana Ačkar, sekretar Vlade,
2. Kadić Mirsad, sekretar Sekretarijata za zakonodavstvo,
3. Ivica Mandura, savjetnik Premijera Zeničko-dobojskog kantona,
4. Jasminka Ahmetpahić, viši stručni saradnik za poslove informisanja u Uredu premijera,
5. Alma Hrnjić, zapisničar.

Premijer je stavio na diskusiju predloženi

D N E V N I R E D :

1. Verifikacija Zapisnika sa 128. sjednice Vlade Zeničko-dobojskog kantona održane dana 11.10.2013. godine;
2. Program utroška sredstava Ministarstva za poljoprivredu, šumarstvo i vodoprivredu iz Budžeta Zeničko-dobojskog kantona za 2013. godinu, pozicija Realizacija projekata Vlade koji se finansiraju iz prihoda od koncesija pod nazivom, Program utroška sredstava od koncesija za 2013. godinu, sa Prijedlogom Zaključka o usvajanju;

3. Program utroška sredstava Ministarstva za poljoprivredu, šumarstvo i vodoprivredu iz Budžeta Zeničko-dobojskog kantona za 2013. godinu, pozicija Subvencije za podsticaj razvoja u poljoprivrednoj proizvodnji pod nazivom, Program utroška sredstava Budžeta Zeničko-dobojskog kantona za poticaje u poljoprivredi za 2013. godinu, sa Prijedlogom Zaključka o usvajanju;
4. Program o izmjeni Programa utroška sredstava dobijenih na osnovu naknada za obavljene tehničke preglede vozila za 2013. godinu, sa Prijedlogom Zaključka o davanju saglasnosti;
5. Prijedlog Odluke o dopuni Odluke o utvrđivanju standarda i kriterija Vlade Zeničko-dobojskog kantona za imenovanja/nominiranja na upražnjene pozicije u reguliranim tijelima Zeničko-dobojskog kantona;
6. Prijedlog Rješenja o privremenom imenovanju Upravnog odbora JU „Penzionerski dom sa stacionarom“ Zeničko-dobojskog kantona;
7. Prijedlog Zaključka o pokretanju postupka oglašavanja za pozicije predsjednika i članova Upravnog i Nadzornog odbora JU „Penzionerski dom sa stacionarom“ Zeničko-dobojskog kantona;
8. Prijedlog Odluke o izmjeni Odluke Vlade Zeničko-dobojskog kantona broj: 02-14-5287/13 od 04.03.2013. godine;
9. Prijedlog Odluke o odobravanju sredstava JU „Penzionerski dom sa stacionarom“ Zeničko-dobojskog kantona na ime pomoći socijalno intervenirajućeg karaktera;
10. Prijedlog Odluke o odobravanju sredstava za sufinansiranje Projekta izgradnje lokalnog puta Hadrovac, Jašarevići, Grlići i Kremenjaši-raskrsnica na putu za Osovu i Vrbicu, općina Zavidovići;
11. Prijedlog Rješenja o imenovanju Radne grupe za izvršenje revizije prvostepenih rješenja JU Centara za socijalni rad odnosno nadležnih općinskih službi za upravu;
12. Prijedlog Zaključka o davanju saglasnosti za imenovanje direktorice JU OŠ „Arnauti“ Arnauti Zenica;
13. Prijedlog Zaključka o davanju saglasnosti za imenovanje direktorice Osnovne muzičke škole u Zenici
14. Prijedlog Rješenja o izmjeni Rješenja o imenovanju radne skupine za izradu Nacrta Zakona o plaćama i naknadama u organima vlasti Zeničko-dobojskog kantona;
15. Prijedlog Zaključka o odobravanju finansijskih sredstava reprezentativcu Bosne i Hercegovine Čančar Nizamu na ime nagrade za osvojenu zlatnu medalju na Evropskom prvenstvu u sjedećoj odbojci;
16. Prijedlog Odluke o odobravanju finansijskih sredstava Agenciji za privatizaciju Zeničko-dobojskog kantona;
17. Prijedlog Zaključka o postupanju po zahtjevu direktora Kantonalne uprave civilne zaštite;
18. Prijedlog Zaključka o postupanju po zahtjevu direktorice Službe za zajedničke poslove;
19. Prijedlog Zaključka o prenosu u vlasništvo putničkog motornog vozila sa Službe za zajedničke poslove na JU Bosansko narodno pozorište Zenica;
20. Upoznavanje članova Vlade sa aktom;
- Skupštine Zeničko-dobojskog kantona broj: 01/02-02-3546-7-2/13 od 11.10.2013. godine-
Presuda Ustavnog suda Federacije Bosne i Hercegovine broj: U-7/13.

Članovi Vlade su se usaglasili sa predloženom dopunom dnevnog reda tako da je za sjednicu jednoglasno usvojen sljedeći:

DNEVNI RED :

1. Verifikacija Zapisnika sa 128. sjednice Vlade Zeničko-dobojskog kantona održane dana 11.10.2013. godine;
2. Program utroška sredstava Ministarstva za poljoprivredu, šumarstvo i vodoprivredu iz Budžeta Zeničko-dobojskog kantona za 2013. godinu, pozicija Realizacija projekata Vlade

- koji se finansiraju iz prihoda od koncesija pod nazivom, Program utroška sredstava od koncesija za 2013. godinu, sa Prijedlogom Zaključka o usvajanju;
3. Program utroška sredstava Ministarstva za poljoprivredu, šumarstvo i vodoprivredu iz Budžeta Zeničko-dobojskog kantona za 2013. godinu, pozicija Subvencije za podsticaj razvoja u poljoprivrednoj proizvodnji pod nazivom, Program utroška sredstava Budžeta Zeničko-dobojskog kantona za poticaje u poljoprivredi za 2013. godinu, sa Prijedlogom Zaključka o usvajanju;
 4. Program o izmjeni Programa utroška sredstava dobijenih na osnovu naknada za obavljene tehničke preglede vozila za 2013. godinu, sa Prijedlogom Zaključka o davanju saglasnosti;
 5. Prijedlog Odluke o dopuni Odluke o utvrđivanju standarda i kriterija Vlade Zeničko-dobojskog kantona za imenovanja/nominiranja na upražnjene pozicije u reguliranim tijelima Zeničko-dobojskog kantona;
 6. Prijedlog Rješenja o privremenom imenovanju Upravnog odbora JU „Penzionerski dom sa stacionarom“ Zeničko-dobojskog kantona;
 7. Prijedlog Zaključka o pokretanju postupka oglašavanja za pozicije predsjednika i članova Upravnog i Nadzornog odbora JU „Penzionerski dom sa stacionarom“ Zeničko-dobojskog kantona;
 8. Prijedlog Odluke o izmjeni Odluke Vlade Zeničko-dobojskog kantona broj: 02-14-5287/13 od 04.03.2013. godine;
 9. Prijedlog Odluke o odobravanju sredstava JU „Penzionerski dom sa stacionarom“ Zeničko-dobojskog kantona na ime pomoći socijalno intervenirajućeg karaktera;
 10. Prijedlog Odluke o odobravanju sredstava za sufinansiranje Projekta izgradnje lokalnog puta Hadrovac, Jašarevići, Grlići i Kremenjaši-raskrsnica na putu za Osovu i Vrbicu, općina Zavidovići;
 11. Prijedlog Rješenja o imenovanju Radne grupe za izvršenje revizije prvostepениh rješenja JU Centara za socijalni rad odnosno nadležnih općinskih službi za upravu;
 12. Prijedlog Zaključka o davanju saglasnosti za imenovanje direktorice JU OŠ „Arnauti“ Arnauti Zenica;
 13. Prijedlog Zaključka o davanju saglasnosti za imenovanje direktorice Osnovne muzičke škole u Zenici
 14. Prijedlog Rješenja o izmjeni Rješenja o imenovanju radne skupine za izradu Nacrta Zakona o plaćama i naknadama u organima vlasti Zeničko-dobojskog kantona;
 15. Prijedlog Zaključka o odobravanju finansijskih sredstava reprezentativcu Bosne i Hercegovine Čančar Nizamu na ime nagrade za osvojenu zlatnu medalju na Evropskom prvenstvu u sjedećoj odbojci;
 16. Prijedlog Odluke o odobravanju finansijskih sredstava Agenciji za privatizaciju Zeničko-dobojskog kantona;
 17. Prijedlog Zaključka o postupanju po zahtjevu direktora Kantonalne uprave civilne zaštite;
 18. Prijedlog Zaključka o postupanju po zahtjevu direktorice Službe za zajedničke poslove;
 19. Prijedlog Zaključka o prenosu u vlasništvo putničkog motornog vozila sa Službe za zajedničke poslove na JU Bosansko narodno pozorište Zenica;
 20. Prijedlog Zaključka o odobravanju otpisa duga Mehinagić (Abdulaha) Ibrahima, RVI iz Maglaja,
 21. Prijedlog Zaključka o odobravanju Islamskoj zajednici u BiH – Uredu muftije zeničkog, sredstva na ime pomoći u sufinansiranju projekta rekonstrukcije krova i fasade upravne zgrade Muftijstva u Zenici;
 22. Upoznavanje članova Vlade sa aktom;
- Skupštine Zeničko-dobojskog kantona broj: 01/02-02-3546-7-2/13 od 11.10.2013. godine-
Presuda Ustavnog suda Federacije Bosne i Hercegovine broj: U-7/13.

Prva tačka dnevnog reda

Vlada je jednoglasno usvojila Zapisnik sa 128. sjednice Vlade Zeničko-dobojskog kantona održane dana 11.10.2013. godine;

Druga tačka dnevnog reda

Obrazloženje za ovu tačku dnevnog reda dao je Bojan Bošnjak, ministar Ministarstva za poljoprivredu, šumarstvo i vodoprivredu.

U diskusiji su učestvovali; ministar Ministarstva za prostorno uređenje, promet i komunikacije i zaštitu okoline, Premijer Kantona i sekretar Vlade.

Vlada je jednoglasno donijela Zaključak kojim se vraća na doradu prijedlog Programa utroška sredstava u razdjelu 23, budžetska organizacija 01, potrošačka jedinica 0001, ekonomski kod 614100, pozicija «Realizacija projekata Vlade koji se finansiraju iz prihoda od koncesija», Budžeta Zeničko-dobojskog kantona za 2013. godinu, pod nazivom „Program utroška sredstava od koncesija za 2013. godinu“, Ministarstva za poljoprivredu, šumarstvo i vodoprivredu, kao obrađivača.

Zadužuju se Ministarstvo za poljoprivredu, šumarstvo i vodoprivredu, da u skladu sa zakonom i podzakonskim aktima realizuje ovaj zaključak, a u okviru svojih nadležnosti. Zaključak stupa na snagu danom donošenja.

Treća tačka dnevnog reda

Obrazloženje za ovu tačku dnevnog reda dao je Bojan Bošnjak, ministar Ministarstva za poljoprivredu, šumarstvo i vodoprivredu.

U diskusiji su učestvovali; Premijer Kantona, pomoćnik u Ministarstvu za privredu, ministar Ministarstva za boračka pitanja, ministar Ministarstva za rad, socijalnu politiku i izbjeglice, ministar Ministarstva unutrašnjih poslova, i ministar Ministarstva za prostorno uređenje, promet i komunikacije i zaštitu okoline.

Vlada je jednoglasno uz predloženu dopunu donijela Zaključak kojim se usvaja Program utroška sredstava za poticaje u poljoprivredi u 2013. godini, na razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2013. godinu, ekonomski kod 614 400, NAD 402, u iznosu od 2.000.000,00 KM (slovima: dvamiliona konvertibilnih maraka).

Zadužuju se Ministarstvo za poljoprivredu, šumarstvo i vodoprivredu da do naredne sjednice sačini Uputstvo o poticanju poljoprivredne proizvodnje za 2013. godinu i isto dostavi Vladi, radi davanja saglasnosti na isto.

Zadužuju se Ministarstvo za poljoprivredu, šumarstvo i vodoprivredu i Ministarstvo finansija, da u skladu sa zakonom i podzakonskim aktima realizuju ovaj zaključak, svako u okviru svojih nadležnosti. Zaključak stupa na snagu danom donošenja.

Četvrta tačka dnevnog reda

Obrazloženje za ovu tačku dnevnog reda dao je Edin Terzić, ministar Ministarstva za prostorno uređenje, promet i komunikacije i zaštitu okoline.

Vlada je jednoglasno donijela Zaključak kojim se daje saglasnost na Izmjene Programa utroška sredstava dobijenih na osnovu naknada za obavljene tehničke preglede vozila za 2013. godinu, Ministarstva za prostorno uređenje, promet i komunikacije i zaštitu okoline. Izmjene Programa iz tačke I. ovog zaključka su sastavni dio ovog zaključka.

Zadužuju se Ministarstvo za prostorno uređenje, promet i komunikacije i zaštitu okoline i Ministarstvo finansija, da u skladu sa zakonom i podzakonskim aktima realizuju ovaj zaključak, svako u okviru svoje nadležnosti. Zaključak stupa na snagu danom donošenja.

Peta tačka dnevnog reda

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

U diskusiji su učestvovali; sekretar Vlade, Premijer kantona, ministar Ministarstva za prostorno uređenje, promet i komunikacije i zaštitu okoline.

Vlada je jednoglasno donijela Zaključak kojim se Tačka dnevnog reda: Prijedlog Odluke o dopuni Odluke o utvrđivanju standarda i kriterija Vlade Zeničko-dobojskog kantona za imenovanja/nominiranja na upražnjene pozicije u reguliranim tijelima Zeničko-dobojskog kantona – Prečišćeni tekst (“Službene novine Zeničko-dobojskog kantona“ broj 2/11 i 14/11), Ministarstva za rad, socijalnu politiku i izbjeglice, vraća obrađivaču radi pribavljanja potrebnih mišljenja Ministarstva za pravosuđe i upravu i Sekretarijata za zakonodavstvo.

Vlada zadužuje Ministarstvo za privredu da u saradnji sa ministarstvima koja u svojoj nadležnosti imaju regulirana tijela, za narednu sjednicu sačine Prijedlog nove Odluke o utvrđivanju standarda i kriterija Vlade Zeničko-dobojskog kantona za imenovanja/nominiranja na upražnjene pozicije u reguliranim tijelima Zeničko-dobojskog kantona. Zaključak stupa na snagu danom donošenja.

Šesta tačka dnevnog reda

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

Vlada je jednoglasno donijela Rješenje o imenovanju Upravnog odbora JU „Penzionerski dom sa stacionarom“ Zeničko-dobojskog kantona do okončanja oglasne procedure

U Upravni odbor JU „Penzionerski dom sa stacionarom“ Zeničko-dobojskog kantona, do konačnog imenovanja po oglasnoj proceduri, na pozicije predsjednika i članova imenuju se:

1. Hasan Topalović, predsjednik,
2. Amira Hasanica, član,
3. Branko Markanović, član,
4. Leon Pavlović, član,
5. Moamer Mehić, član.

Rješenje stupa na snagu danom donošenja i objavit će se u „Službenim novinama Zeničko-dobojskog kantona“.

Sedma tačka dnevnog reda

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

Vlada je jednoglasno uz predloženu dopunu donijela Zaključak o oglašavanju pozicija predsjednika i članova Upravnog i Nadzornog odbora JU „Penzionerski dom sa stacionarom“ Zeničko-dobojskog kantona

U reguliranom tijelu Vlade Zeničko-dobojskog kantona JU „Penzionerski dom sa stacionarom“ Zeničko-dobojskog kantona, pokreće se postupak oglašavanja za pozicije predsjednika i članova Upravnog i Nadzornog odbora.

Za upražnjene pozicije iz tačke I ovog zaključka utvrđuje se potreba raspisivanja javnog oglasa u skladu sa Zakonom o ministarskim, vladinim i drugim imenovanjima („Službene novine Federacije BiH“, broj 12/03, 34/03 i 65/13) .

Zadužuje se Ministarstvo za rad, socijalnu politiku i izbjeglice da nakon donošenja Odluke o utvrđivanju standarda i kriterija Vlade Zeničko-dobojskog kantona za imenovanja/nominiranja na upražnjene pozicije u reguliranim tijelima Zeničko-dobojskog kantona, u skladu sa zakonom i podzakonskim aktima realizuje ovaj zaključak. Zaključak stupa na snagu danom donošenja.

Osma tačka dnevnog reda

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

Vlada je jednoglasno donijela Odluku o izmjeni Odluke broj: 02-14-5287/13 od 04.03.2013. godine

U Odluci Vlade Zeničko-dobojskog kantona, broj: 02-14-5287/13 od 04.03.2013. godine u članu 1. tekst: „30.000,00 KM (slovima: trideset hiljada konvertibilnih maraka)“ mijenja se i glasi: „15.000,00 KM (slovima: petnaest hiljada konvertibilnih maraka)“.

Odluka stupa na snagu danom donošenja i biti će objavljena u „Službenim novinama Zeničko-dobojskog kantona“.

Deveta tačka dnevnog reda

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

Vlada je jednoglasno donijela odluku kojom se odobravaju sredstva JU „Penzionerski dom sa stacionarom“ Zeničko-dobojskog kantona, u iznosu od 15.000,00 KM (slovima: petnaest hiljada konvertibilnih maraka), kao pomoć socijalno intervenirajućeg karaktera u stvaranju preduslova za obavljanje osnovne djelatnosti JU „Penzionerski dom sa stacionarom“ Zeničko-dobojskog kantona. Sredstva iz člana 1. ove odluke isplatit će se iz Budžeta Zeničko-dobojskog kantona za 2013. godinu („Službene novine Zeničko-dobojskog kantona”, broj: 19/12), razdjel 20, organizacija 01, potrošačka jedinica 0001, ekonomski kod 614200, KAD 207, pozicija «Ostali socijalni transferi». Sredstva uplatiti na račun JU „Penzionerski dom sa stacionarom“ Zeničko-dobojskog kantona broj: 134-010-0000366780 otvoren kod IK banke d.d. Zenica.

Zadužuju se Ministarstvo za rad, socijalnu politiku i izbjeglice i Ministarstvo finansija da u skladu sa zakonom i podzakonskim aktima realizuju ovu odluku, svako u okviru svojih nadležnosti.

JU „Penzionerski dom sa stacionarom“ Zeničko-dobojskog kantona je dužan u roku od dva mjeseca od doznake sredstava iz člana 1. ove odluke dostaviti izvještaj o namjenskom utrošku sredstava. Odluka stupa na snagu danom donošenja i biti će objavljena u „Službenim novinama Zeničko-dobojskog kantona“.

10. tačka dnevnog reda

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

Vlada je jednoglasno donijela Odluku o odobavanju sredstava za sufinansiranje Projekta izgradnje lokalnog puta Hadrovac, Jašarevići, Grlići i Kremenjaši-raskrsnica na putu za Osovu i Vrbicu, općina Zavidovići

Odobravaju se Općini Zavidovići sredstva u iznosu od 50.000,00 KM (slovima: pedeset hiljada konvertibilnih maraka) kao učešće Zeničko-dobojskog kantona u sufinansiranju realizacije Projekta izgradnje lokalnog puta Hadrovac, Jašarevići, Grlići i Kremenjaši-raskrsnica na putu za Osovu i Vrbicu, općina Zavidovići.

Sredstva iz člana 1. ove odluke isplatit će se iz Budžeta Zeničko-dobojskog kantona („Službene novine Zeničko-dobojskog kantona” broj:19/12), razdjel 20, budžetska organizacija 01, potrošačka jedinica 0001, ekonomski kod 614200, subanalitika KAD 202, pozicija Budžeta: «Sredstva za podsticaj povratka izbjeglih i raseljenih lica.

Odobrena sredstva će se uplatiti na depozitni račun Općine Zavidovići broj: 1020320000027070 otvoren kod Union banka, vrsta prihoda 732114; ID broj: 4218234570005, sa naznakom Svrha uplate: „Sufinansiranje izgradnje lokalnog puta Hadrovac, Jašarevići, Grlići i Kremenjaši-raskrsnica na putu za Osovu i Vrbicu“, općina Zavidovići.

Ovlašćuje se Ministar Ministarstva za rad, socijalnu politiku i izbjeglice da u ime Vlade Zeničko-dobojskog kantona potpiše Ugovor o sufinansiranju Projekta izgradnje lokalnog puta Hadrovac, Jašarevići, Grlići i Kremenjaši-raskrsnica na putu za Osovu i Vrbicu“, općina Zavidovići.

Zadužuju se Ministarstvo za rad, socijalnu politiku i izbjeglice i Ministarstvo finansija, da u skladu sa zakonom i podzakonskim aktima realiziraju ovu odluku, svako u okviru svojih nadležnosti.

Obavezuje se Općina Zavidovići da Ministarstvu za rad, socijalnu politiku i izbjeglice dostaviti izvještaj o namjenskom utrošku sredstava.

Odluka stupa na snagu danom donošenja, i biti će objavljena u „Službenim novinama Zeničko-dobojskog kantona“.

11. tačka dnevnog reda

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

U diskusiji su učestvovali; Premijer Kantona, ministrica Ministarstva zdravstva, , ministrica Ministarstva finansija, sekretar Sekretarijata za zakonodavstvo, ministar Ministarstva za prostorno uređenje, promet i komunikacije i zaštitu okoline, ministar Ministarstva za obrazovanje, nauku, kulturu i sport, savjetnik Premijera, sekretar Vlade, ministar Ministarstva za rad, socijalnu politiku i izbjeglice, ministrica Ministarstva za pravosuđe i upravu.

Vlada je uz predložene izmjene i dopune donijela Rješenje o listi revizora prvostepenih rješenja JU Centara za socijalni rad odnosno nadležnih općinskih službi za upravu

Utvrđuje se lista revizora za izvršenje revizije prvostepenih rješenja JU Centara za socijalni rad odnosno nadležnih općinskih službi za upravu (u daljem tekstu: općinski prvostepeni organ) o priznavanju prava utvrđenih Zakonom o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“, broj: 36/99, 54/04, 39/06 i 14/09- u daljem tekstu: Federalni zakon) i Zakonom o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Zeničko-dobojskog kantona”, broj 13/07 i 13/11 – u daljem tekstu: Kantonalni zakon), kako slijedi:

1. Ekinović Nermina, Ministarstvo za rad, socijalnu politiku i izbjeglice – revizor prava na dječiji dodatak, stalnu novčanu pomoć, smještaj u ustanove socijalne zaštite i civilnih žrtava rata,
2. Kondić Vildana, Ministarstvo za rad, socijalnu politiku i izbjeglice – revizor prava na dječiji dodatak i stalnu novčanu pomoć,
3. Kavazović Paša, Ministarstvo za rad, socijalnu politiku i izbjeglice – revizor prava na dječiji dodatak i smještaj u ustanove socijalne zaštite,
4. Serdarević Almasa, Ministarstvo za boračka pitanja – revizor prava na dječiji dodatak i stalnu novčanu pomoć,
5. Tvrtković Muris, Ministarstvo za boračka pitanja – revizor prava na dječiji dodatak i stalnu novčanu pomoć.

Poslove sekretara-evidentičara obavljat će:

1. Sarač Saida, Ministarstvo za rad, socijalnu politiku i izbjeglice,
2. Zrno Franjo, Ministarstvo za rad, socijalnu politiku i izbjeglice.

Zadatak revizora iz tačke I. ovog Rješenja je pojedinačno izvršenje revizije rješenja općinskih prvostepenih organa kojima je korisnicima priznavato pravo, u skladu sa Federalnim, odnosno Kantonalnim zakonom. Ukoliko je protiv rješenja prvostepenih organa izjavljena žalba, istim rješenjem se rješava o reviziji i o žalbi.

Zadatak sekretara-evidentičara je izvršavanje ukupnih administrativno-tehničkih poslova od značaja za cjelovito izvršenje revizije.

Zbog obima posla, vrijeme za obavljanje zadataka revizora i sekretara-evidentičara je van radnog vremena, u skladu sa dinamikom dostavljanja predmeta od strane prvostepenih organa.

Ministar Ministarstva za rad, socijalnu politiku i izbjeglice, u skladu sa članom 36. Zakona o upravnom postupku („Službene novine Federacije BiH“, broj: 2/98 i 48/99), osobama iz tačke I. ovog rješenja, dati će posebna ovlaštenja za izvršenje revizije rješenja.

Za rad izvan redovnog radnog vremena, revizorima i sekretarima-evidentičarima, obračunavaće se i isplatiti prekovremeni rad u skladu sa članom 32., stav 1. Zakona o radu („Službene novine Federacije Bosne i Hercegovine“, broj 44/99, 32/00 i 29/03), a izuzetno od odredbe tačke IV. Zaključka o mjerama u vezi preraspodjele radnog vremena, angažovanja za povremene, privremene poslove i prekovremeni rad, broj: 02-34-19412/11 od 03.06.2011. godine.

Evidenciju o broju sati prekovremenog rada, Ministarstvo za rad, socijalnu politiku i izbjeglice i Ministarstvo za boračka pitanja dostavljat će Ministarstvu finansija-Odsjek za centralizovani obračun i isplatu plaća putem ših listi, a na osnovu mjesečnog izvještaja o registraciji radnog vremena.

Danom stupanja na snagu ovog rješenja prestaju da važe rješenja Vlade broj: 02-41-22090/06 od 18.10.2006. godine i 02-34-22540/07 od 28.09.2007. godine. Rješenje stupa na snagu danom donošenja i

Zaključak kojim Vlada zadužuje Ministarstvo za rad, socijalnu politiku i zbjeglice da pokrene aktivnosti za izmjene i dopune Pravilnika o unutrašnjoj organizaciji i sistematizaciji radnih mjesta Ministarstva za rad, socijalnu politiku i izbjeglice, a radi prevazilaženja postojećeg stanja, povećanog obima poslova na izvršenju revizije prvostepenih rješenja JU Centara za socijalni rad odnosno nadležnih općinskih službi za upravu o priznavanju prava utvrđenih Zakonom o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“, broj: 36/99, 54/04, 39/06 i 14/09) i Zakonom o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Zeničko-dobojskog kantona”, broj 13/07 i 13/11), otvaranjem radnog mjesta u okviru kojeg bi se vršila revizija prava na dječiji dodatak, stalnu novčanu pomoć, smještaj u ustanove socijalne zaštite i civilnih žrtava rata.

Zadužuju se Ministarstvo za rad socijalnu politiku i izbjeglice da u skladu sa zakonom i podzakonskim aktima realizuje ovaj zaključak, a u okviru svojih nadležnosti. Zaključak stupa na snagu danom donošenja.

12. tačka dnevnog reda

Obrazloženje za ovu tačku dnevnog reda dao je Mirko Trifunović, Ministar ministarstva za obrazovanje, nauku, kulturu i sport.

Vlada je jednoglasno donijela Zaključak o davanju saglasnosti za imenovanje direktorice JU OŠ “Arnauti” Arnauti Zenica

Daje se saglasnost da se Nedžmudina Spahić-Muslić, profesorica pedagogije, imenuje na dužnost direktorice JU OŠ “Arnauti” Arnauti, Zenica, na period od četiri godine. Zaključak stupa na snagu danom donošenja.

13. tačka dnevnog reda

Obrazloženje za ovu tačku dnevnog reda dao je Mirko Trifunović, ministar Ministarstva za obrazovanje, nauku, kulturu i sport.

Vlada je jednoglasno donijela Zaključak o davanju saglasnosti za imenovanje direktorice Osnovne muzičke škole u Zenici

Daje se saglasnost da se Jadranka Tepić, profesor teoretskih muzičkih predmeta, imenuje na dužnost direktorice Osnovne muzičke škole u Zenici, na period od četiri godine. Zaključak stupa na snagu danom donošenja.

14. tačka dnevnog reda

Obrazloženje za ovu tačku dnevnog reda dala je Romana Brkić, ministrica Ministarstva za pravosuđe i upravu.

Vlada je jednoglasno donijela Rješenje o dopuni Rješenja o imenovanju povjerenstva za izradu Nacrta Zakona o plaćama i naknadama u organima vlasti Zeničko-dobojskog kantona

U Rješenju o imenovanju povjerenstva za izradu Nacrta Zakona o plaćama i naknadama u organima vlasti Zeničko-dobojskog kantona, broj: 02-34-17057/13 od 07.08.2013. godine, u članku 1. stavak (2) iza točke 9. dodaje se točka 10. koja glasi: “Elvir Delić, predstavnik Sindikata policije MUP-a Zeničko-dobojskog kantona”. Rješenje stupa na snagu danom donošenja i objavit će se u službenim novinama Zeničko-dobojskog kantona.

15. tačka dnevnog reda

Obrazloženje za ovu tačku dnevnog reda dao je Premijer Zeničko-dobojskog kantona.

Vlada je jednoglasno donijela Zaključak kojim se odobravaju novčana sredstva Čančar Nizamu iz Zenice, u iznosu od 1.000,00 KM (slovima: hiljadu konvertibilnih maraka), na ime nagrade za osvojenu zlatnu medalju kao reprezentativac Bosne i Hercegovine na Evropskom prvenstvu u sjedećoj odbojci.

Odobrena sredstva iz tačke I. ovog zaključka isplatit će se iz Budžeta Zeničko-dobojskog kantona za 2013. godinu, Ured premijera, razdjel 11, budžetska organizacija 01, potrošačka jedinica 0001, ekonomski kod 614200(BCD201), pozicija "Tekući transferi za posebno nadarene i talentovane mlade".

Sredstva uplatiti na račun Čančar Nizam iz Zenice, broj: 199 051 007 347 1241-4192 1111 0019 2033 otvorenog kod: Sparkasse bank, Filijala Zenica. Zadužuju se Ured premijera i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svoje nadležnosti. Zaključak stupa na snagu danom donošenja.

16. tačka dnevnog reda

Obrazloženje za ovu tačku dnevnog reda dao je Amir Abazović, pomoćnik u Ministarstvu za privredu.

Vlada je jednoglasno donijela Odluku o odobravanju finansijskih sredstava Agenciji za privatizaciju Zeničko-dobojskog kantona

Odobravaju se finansijska sredstva Agenciji za privatizaciju Zeničko-dobojskog kantona u iznosu od 357.000,00 KM (slovima: tristotinepedesetsedamhiljada konvertibilnih maraka), u svrhu deblokade računa.

Odobrena sredstva iz člana 1. ove odluke isplatiti će se iz Budžeta Zeničko-dobojskog kantona za 2013. godinu, razdjel 18, budžetska organizacija 01, potrošačka jedinica 0001, ekonomski kod 614100, pozicija „Transfer za Agenciju za privatizaciju“, na žiro-račun broj: 1340100000013021 kod IK Banka Zenica.

Zadužuju se Ministarstvo za privredu i Ministarstvo finansija da u skladu sa zakonom i podzakonskim aktima, realizuju ovu odluku svako u okviru svojih nadležnosti. Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

17. tačka dnevnog reda

Obrazloženje za ovu tačku dnevnog reda dao je Premijer Zeničko-dobojskog kantona.

U diskusiji su učestvovali; ministar Ministarstva za rad, socijalnu politiku i izbjeglice i sekretar Vlade

Vlada je jednoglasno donijela Zaključak kojim se prihvata zahtjev Seada Đanovića, direktora Kantonalne uprave civilne zaštite, za dostavu tonskih zapisnika sa 97., 99., 103., 116. i 119. sjednice Vlade.

Zadužuje se Stručna služba Vlade da, u skladu sa tačkom I. ovog Zaključka, dostavi tonske zapise Seadu Đanoviću, direktoru Kantonalne uprave civilne zaštite. Zaključak stupa na snagu danom donošenja.

18. tačka dnevnog reda

Obrazloženje za ovu tačku dnevnog reda dao je Premijer Zeničko-dobojskog kantona.

U diskusiji su učestvovali; ministar Ministarstva za rad, socijalnu politiku i izbjeglice i sekretar Vlade.

Vlada je jednoglasno donijela Zaključak kojim se prihvata zahtjev Željke Marković-Sekulić, direktorice Službe za zajedničke poslove, za dostavu tonskih zapisnika sa 97., 99., 103., 116. i 119. sjednice Vlade. Zadužuje se Stručna služba Vlade da, u skladu sa tačkom I. ovog Zaključka, dostavi tonske zapise Željki Marković-Sekulić, direktorici Službe za zajedničke poslove. Zaključak stupa na snagu danom donošenja.

19. tačka dnevnog reda

Obrazloženje za ovu tačku dnevnog reda dao je Premijer Zeničko-dobojskog kantona.

U diskusiji su učestvovali; ministar Ministarstva za poljoprivredu, šumarstvo i vodoprivredu, ministar Ministarstva unutrašnjih poslova, ministrica Ministarstva za pravosuđe i upravu i ministar Ministarstva za obrazovanje, nauku, kulturu i sport.

Vlada je sa dva suzdržana glasa, većinom glasova donijela Zaključak kojim se prenosi u vlasništvo putničko motorno vozilo, marke Audi A4, registarskih oznaka 166-A-905, godina, proizvodnje 1996., broj šasije WAUZZZ8DZVA066482 i broj motora AFN120624, sa Službe za zajedničke poslove Zeničko-dobojskog kantona na JU Bosansko narodno pozorište Zenica.

Vozilo će se evidentirati u Analitičku evidenciju stalnih sredstava JU Bosansko narodno pozorište Zenica u Zenici po usvajanju ovog zaključka, a ispravku nabavne i sadašnje vrijednosti motornog vozila iz tačke I ovog zaključka izvršit će Ministarstvo finansija-Služba za računovodstvo.

Zadužuju se Služba za zajedničke poslove i Ministarstvo finansija, da u skladu sa zakonom i podzakonskim aktima realizuju ovaj zaključak, svako u okviru svoje nadležnosti. Zaključak stupa na snagu danom donošenja.

20. tačka dnevnog reda

Obrazloženje za ovu tačku dnevnog reda dao je Nedžad Lokmić, ministar Ministarstva za boračka pitanja.

Vlada je jednoglasno donijela Zaključak kojim se odobrava otpis duga po Ugovoru o kreditu broj 131020/1 zaključenog dana 27.10.2009. godine između Mehinagić (Abdulah) Ibrahima, RVI iz Maglaja, kao korisnika kredita za zapošljavanje branioca i članova njihovih porodica i Sparkasse bank d.d. Sarajevo, kao komisionara, u iznosu ukupnog duga 15.865,76 KM (slovima: petnaest hiljada osamstošesdesetpet i 76/100 konvertibilnih maraka).

Sredstva iz tačke I. Zaključka koja se odnose na plasirana sredstva po dugoročnim plasmanima Ministarstva za boračka pitanja Zeničko-dobojskog kantona, konto 021121 „Pozajmice pojedincima“, bit će isknjižena sa istih.

Zadužuju se Ministarstvo za boračka pitanja i Ministarstvo finansija, da u skladu sa zakonom i podzakonskim aktima realizuju ovaj zaključak, svako u okviru svojih nadležnosti. Zaključak stupa na snagu danom donošenja.

21. tačka dnevnog reda

Obrazloženje za ovu tačku dnevnog reda dao je Ivica Ćurić, ministar Ministarstva za rad, socijalnu politiku i izbjeglice.

U diskusiji su učestvovali; ministar Ministarstva unutrašnjih poslova, ministrica Ministarstva za pravosuđe i upravu, Premijer Kantona, ministar Ministarstva za rad, socijalnu politiku i izbjeglice, ministrica Ministarstva zdravstva, ministar ministarstva za obrazovanje, nauku, kulturu i sport.

Vlada je sa jednim suzdržanim glasom većinom glasova donijela Zaključak kojim se odobravaju Islamskoj zajednici u BiH – Uredu muftije zeničkog, sredstva u iznosu od 20.000,00 KM (slovima: dvadeset hiljada konvertibilnih maraka) na ime pomoći u sufinansiranju projekta rekonstrukcije krova i fasade upravne zgrade Muftijstva u Zenici.

Sredstva iz tačke I. ovog zaključka isplatit će se iz Budžeta Zeničko-dobojskog kantona („Službene novine Zeničko-dobojskog kantona” broj:19/12), razdjel 20, budžetska organizacija 01, potrošačka jedinica 0001, ekonomski kod 614200, subanalitika KAD 202, pozicija Budžeta: „Sredstva za podsticaj povratka izbjeglih i raseljenih lica”.

Navedena sredstva iz tačke I ovog zaključka uplatit će se na račun Islamske zajednice u Bosni i Hercegovini – Ured muftije zeničkog, Zenica, broj: 134-010-00000925-61 kod IKB d.d Zenica, ID broj: 4218591500007 sa naznakom Svrha uplate: „Pomoć u sufinansiranju projekta rekonstrukcije krova i fasade upravne zgrade Muftiluka zeničkog, općina Zenica”.

Zadužuju se Ministarstvo za rad, socijalnu politiku i izbjeglice i Ministarstvo finansija, da u skladu sa zakonom i podzakonskim aktima realizuju ovaj zaključak svako u okviru svojih nadležnosti. Zaključak stupa na snagu danom donošenja.

21. tačka dnevnog reda

Obrazloženje za ovu tačku dnevnog reda dala je Romana Brkić, ministrica Ministarstva za prosuđe i upravu.

U diskusiji su učestvovali; Premijer Kantona, ministrica Ministarstva za pravosuđe i upravu i sekretar Sekretarijata za zakonodavstvo.

Dostavom materijala pod ovom tačkom dnevnog reda članovi Vlade su upoznati sa istim.

Premijer je zaključio sjednicu u 16⁴⁵ sati.

SEKRETAR VLADE

Berjana Ačkar

PREMIJER

Munib Husejnagić, dipl.ing.maš.

ZAPISNIČAR

Alma Hrnjić